



Il president dal cussegl grond Duri Campell ha avri la sessiun «extra muros» ad Arosa.

FOTOS G. N. STGIER

Appel per daplì curaschi civil

Pled d'avertura per la sessiun ad Arosa

■ (anr/fa) Exista ozendi in manco da curaschi civil, u han blers la tendenza da deleger responsabladad? Il president dal cussegl grond Duri Campell ha appellà da s'engaschar per las atgnas persvasiuns. «Grossräte, zeigt Rückgrat!», ha menziunà *Duri Campell* las lingias grossas dad ina gasetta da dumengia en occasiun dal pled d'avertura da la sessiun «extra muros» ad Arosa.

Per el signiftga quai avair curaschi, surpigliar responsabladad e defender sias persvasiuns. «Sche quel curaschi

manca han ins la tendenza dad ir vias sturnas», ha'l ditg. Quest curaschi civil na fiss tenor el giavischabel mo per las deputadas e deputads al cussegl grond, mabain per mintga singul burgais sco era per ils gremis e las vischnancas. «Per betg s'arder la detta exista la tendenza da delegar las decisions a las proximas instanzas superiuras e surdar uschia la responsabladad a quellas.» Campell observa quella tendenza era tar las vischnancas. A ses avis sa drizzan las vischnancas memia savens a l'administra-

ziun chantunala er en cas da fatschentas ch'ellas pudessan sclerir da moda autonoma. «In exempel latiers èn las permissiuns per edifizis e stabiliments ordaifer la zona da construcziun», ha'l numnà. Duri Campell tema che quest «delegar vers ensi» sin nivel chantunal ed era federal correspundia pli e pli al pensar d'ozendi. Perquai ses appel: «Sche nus na pudain tuttina betg far endretg a tuts, duessan nus almain far chaussas, da las qualas nus essan persvadids, e star tar nossas decisions.»



Il chancelier chantunal Claudio Riesen (dretg) e deputà Gian Michael da Donat.



Dals hotels fin tar il center da congress vegnan parlamentar e parlamentarias cun il bus.